


SAMOSTALNI SINDIKAT OSNOVNOG OBRAZOVANJA I ODGOJA
FEDERACIJE BOSNE I HERCEGOVINE – KANTONALNI ODBOR USK-a

Bihać, Ul. Krupska 26

Tel/fax: ++387 37 223-661

e-mail: ssooio.kousk@yahoo.com



Sindikata srednjeg i visokog obrazovanja, odgoja, nauke i kulture
Bosne i Hercegovine
SSVOONK BiH
KANTONALNI ODBOR USK-a BIHAĆ

Bihać, Krupska 26

Tel/fax: ++387 37 223-661

e-mail: predsjednik ssvonk usk@hotmail.com

Poštovane kolege/ kolegice,

U Bosni i Hercegovini, ali i u svijetu obilježava se Svjetski dan prosvjetnih radnika, koji su proglasile Ujedinjene nacije 5. Oktobar 1993 godine. Učiteljstvo u BiH ove godine slavi 129 godina svog postojanja na što smo izuzetno ponosni. Na ovaj za nas svečani dan podsjećamo se na našu plemenitu i tešku misiju – obrazovanja i odgajanja djece, a od čega nam zavisi porodica kao stub društva, a time i zajednica kao naša država.

Stara Grčka mudrost kaže: „Ako ne budemo imali krojača, hodat ćemo goli. Ako ne budemo imali obučara, hodat ćemo bos. Ako ne budemo imali dobrih učitelja, neće nas biti.“

Širom svijeta na ovaj datum govori se o nezahvalnoj poziciji prosvjetnih radnika, problemima s kojima se svakodnevno susrećemo u radu, nepovoljnim uslovima rada učitelja, nastavnika, profesora, o neadekvatnom vrednovanju njihovog rada. Umorni smo od svih tih problema koji nas svakodnevno opterećuju. Sve teže je balansirati između zahtjeva struke, uslovima u kojima radimo i nesprenosti na saradnju svih onih koji su zajedno s nama sastavni dio odgojno- obrazovnog procesa.

Pored svih problema koji nas pritišću prosvjetni radnici se još uvijek nadaju da će neko u njima prepoznati budućnost, jer to je budućnost novih naraštaja. Da će se napokon shvatiti da u obrazovanje treba investirati kako bi se mogli požnjati najbolji plodovi, a ne da naša djeca odlaze u inostranstvo kako bi tamo pronašli svoju budućnost.

Mi prosvjetni radnici ćemo i dalje učiti svoje učenike ljudskosti, pravednosti i poštenju, pa čak i onda kad nam se čini da nas niko ne čuje, bit ćemo trajna inspiracija budućim generacijama i svjetlo u ovom mraku u kojem se trenutno nalazimo.

U povodu Svjetskog dana prosvjetnih radnika, svim našim kolegama, vaspitačima u obdaništu, učiteljima, nastavnicima i profesorima želimo čestitati ovaj dan, izraziti zahvalnost i poštovanje na trudu i znanju koje prenose, te strpljenju kojim daruju učenike, vodeći ih do novih vrijednih spoznaja, školskih, ali i onih životnih, a sve kako bi sutra bili vrijedni članovi našeg društva.

Najljepše priznanje za svakog od nas je uspješan mladi čovjek, odgojen i odgovoran član društva, koji će moći da prepozna sve ono dobro, ali i loše što je među nama i oko nas.

Drage naše kolege i kolegice, sretan Vam dan učitelja!!!

PREDSJEDNIK KO SSOOIO USK-a

Hadžić Zehra

PREDSJEDNIK KO SSVOONK-a USK-a

Fajić Samir

